



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 四六九

二娛小廬詩鈔五卷二娛小廬詩鈔補編一卷二娛小廬詞鈔二卷 尤維熊撰

紅蕙山房吟藁一卷附錄一卷 袁廷禱撰 九九

尚綱堂詩集五十二卷尚綱堂文集二卷尚綱堂詞集二卷 劉嗣綰撰 一一七

玉山草堂集三十二卷 錢林撰 四五九

晉齋詩存二卷 昇寅撰 六九七

紅椒山館詩鈔四卷遠春試體賦鈔一卷遠春詞二卷 張興鏞撰 七三五

二娛小廬詩鈔

二娛小廬詩詞鈔序

二娛小廬詩詞鈔七卷長洲尤君祖望所作其友蔡慶遠朱鐵門郭祥伯鎮洋彭湘涵所論次而校錄之者也慶遠明經爲學博卓薦得縣令滇南已而以親老引疾歸家食不足仍游於幕府以給養故其詩詞於行役羈旅登臨憑弔之作爲尤工平生潛心者學詣必造微而不自表襮一二故人外少有知者性易蕩喜交游又善爲人計畫故世人多以幹濟之材許之君亦竊自負也然薄宦羈遲遠在萬里旣不得志卒齟齬以歸人之所推與其耿耿自許者畧不出其豪末而其辛苦而僅有之者乃得一二故人爲之論定以傳於後然則士之遇合顯晦與其生平問學所得皆有幸不幸焉而後世之論人者乃卽其所見一端以求之殆不然耶余交祖望後於三君然嘗薦祖望於梅龔節帥同在江淮閒者逾年極風雨之契而祖望遽以病歸歸竟不起不能無盡然於心因取三君所定本付之梓而綴數語於首至詩詞之工祥伯論之備矣嘉慶壬申三月錢唐陳鴻壽序

余既甄錄祖望之詩乃質而序之曰介中通外峻骨和肉祖望之性也高步遠引遐慮綿視祖望之情也抗古切今融通博大祖望之學也閎詞纖指幼眇精深祖望之才也始習俗說既乃泛濫窮其絕足若欲孤往已而醇醪一于理道神鋒過備時或佚宕要之諄復薦至醴粹惻愴不媿于古情與性引學必才傳九變復貫知言者選焉序祖望者如是而已詞之爲道古侈今狹而作者背馳每益散亂祖望以清爲質樹體于雅間有積放意過其通故刪之爲嚴期質諸九幽不爲小子輩也同斯事者吳江朱君春生太倉彭子兆蓀趣爲引言兼以相諮云爾吳江郭麐序

二娛小廬詩詞鈔序

二

二娛小廬詩鈔卷一

長洲 尤維熊 祖望

司徒廟古柏

古廟鬱古柏青青倚廊廡六幹已千年其一劫雷斧至全神物畱數叶星聚五或升如蟠虬或偃如臥虎或亭如散蓋或屈如控弩黛色染霜皮一一之而怒微雨乍經過日光漏卓午神靈倘來棲肅觀屏戲侮石磴坐盤桓逼視敢輕撫神異表寰中誰當竝千古忽憶武侯祠高吟動梁父

舟過大村

前林明霽色驕目積陰消春水雨三渡荒村四五橋雜花羅岸嘴沙鳥掠山腰何處一聲笛酒旗風亂飄

尋林屋洞同吳春橋吟杜昆仲

二娛小廬詩鈔卷一

一

洞天福地標第九神奧昔載圖經中厥土涂泥闕地戶眞官督護瑯嬛宮山前循麓得神谷哈呀石扇開瓊瓏二客好事欲深入短衣縛炬尋幽踪初如偈仄入窰口盤幻轉仄行壓瑩石乳神瀆紛下墮灌頂有若醍醐融忽然敞豁逢異境曠如日觀開昏蒼仙鼠飛翻不知數頭目震撼洪濤風我聞林屋洞深下十地坤軸旋轉迴重重窮源直達隔凡境四十九日通岷邛此言荒唐誠衆聽考信當質龍威翁徘徊一晌出奇險禹書宛委空函封同游相顧互驚詫同看洞口花慳忪

春晴復渡南湖

湖光晴亦好沿岸野花開元化藉魚子機心笑鴨媒菰蘆浮水去桃李徧山栽何處雲間鶴臨風自往來

石公雜詠五首

漱石居

天目一源來渟泓作止水沉碧湛深窪擣蒲數石子水以濯我纓石以礪我齒

鑑心亭

七十二峯碧涵影入空亭明白作虛鑑鑑心不鑑形想見天地初佛說常惺惺

來鶴亭

孤亭枕湖潯其下若澗潏有鶴舞蹁躚窺魚豈有慕朝從西山來暮係東山去

歸雲洞

石壁鑿成龕嵌空豁香界中聳雙陀容莊嚴常不壞夜半送潮音魚龍喧梵唄

二娛小廬詩鈔卷一

二

夕光洞

深岩閟石髮幽厓垂冬花隔林振清響樵唱擔暮霞前山起暝色冉冉餘暉斜

因雨小集雨止歸宿王大書齋

清簾疎簾興不孤相逢芹荻飫山厨當筵柴汝評年款入座荆高認酒徒名士風流夸脫帽神仙游戲學擣蒲歸來扶醉尋淥股樹樹新涼作畫圖

六月十七日夜口占

七尺桐陰冷欲飛夜涼深院劇清微欲眠未忍月當棚獨立小庭風滿衣

常州至丹陽道中

孔道連雙驛官郵省記程漁榔黃歇浦社鼓呂蒙城市朝

瞰入江橋暗水生時聞深樹裏軋軋小車行

歸舟過虎邱

土風清美洵吾鄉重認橋邊七里塘細雨香燈纔半綠秋風冷蝶已全黃生憐漂泊孤舟遠夢想蕭條老圃荒猶及故園殘菊在歸來準把兩盤霜

由寒山登天平山歸宿木瀆

稷日至香溪溪在木瀆余妻父宅在其上放舟及春漲信宿靈巖旁淹留醫家釀隔夕雨乍晴山齋劇清曠晨興聯西山爽氣撲衣桁探幽興忽飛支笻覺神王白袷稱佳辰惠風扇和鬯曲徑逐游人去路知所向潑翠漸入懷到眼忽青嶂別墅創凡夫溪徑闊方廣九轉石梁通宛轉千尺山閣障聽雪驛路鎖煙光驛煙初地振梵放咒鉢暖翠接浮嵐兩山迭相望穿嶺度重

二娛小廬詩鈔卷一

三

岡石笏森萬狀遂疑太古初鑿琢經巧匠山半開冷冷白雲與胸盪清磬隔林簌人語出竹澗始知石門中乃有法寶藏小憩入幽龕簷角峰勢妨白雲出門拜鼓祠憂樂未良相靈旗森兵衛衣冠肅瞻仰迴顧聳層巒翠微未及上范公夕陽散人影歸塗朗樵唱攀陟雖云勞腰腳不待養明朝入支硎選佛愜幽訪仍當謝平肩葛屨縛五綯

送吳少返之輝縣

年年送客向江頭每見窮途賦倦遊路遠莫酬青玉案數奇空敝黑貂裘有誰少小別離慣自古男兒出入愁莫忘鱸魚歸計穩九峰三泖故園秋

無錫舟暮

一曲舡歌傍釣磯長天雲水恨何依鄉音漸變郵亭路別淚

初乾客子衣秋渚有花偏獨笑暮山無鳥不雙歸遙看百道
驅開處各背斜陽半幅飛

丹陽

記得城根樹橋東舊解維西風張祐宅哀艸曼卿祠百折沙
盤水三層屋轉陂前途暝色合草草赴愁思

瓜洲

嘗說瓜州身未到到時始識小於邨沙連板屋愁鴟集草沒
平原亂馬奔幾簇炊烟依堞齒數莖枯葦護城根洲人多傍
江邊住一夜寒潮直到門

游平山塘

路出城闌東復東船頭薄日逗晴烘風鈴百八天寧寺不斷
樓臺一望中

二娛小廬詩鈔卷一

四

蘋風一簇魚鱗浪虹影雙垂雁齒橋不見玉人垂手立月明
何處聽吹簫

十里長堤驕馬嘶河旄人柳總成絲只今跪地猶垂綠況是
陽春二月時

白塢千花破碧雲天風時有莫鐘聞夜來倒入湖心影恰受
清秋月二分

深塢鸞環畫不成桃花猶借武陵名依稀雞犬雲中去渡口
無人淡送迎

夕陽樓閣隔千重忽地青山對面逢香土有緣開法淨寺門
一百八棵松

過金山遇風不得登

兩渡揚子江拭眼望峰兀勿勿失躋攀浩浩懷林樾茲游破

長風帆指神仙窟逝將躡層巔東南泝吳越因之致夢游伏
枕排銀闕金碧炫心胸樓臺記芒惚侵晨駕吳船翠挹峰千
笏丹楸日酣熏青螺風蕩汨靈界未登臨妙興已蓬勃空江
乍晦冥驚颺起蘋末一舟同簸箕有如輿脫軌轉瞬欲千里
回頭僅一髮恐緣天分慳坐令遙情歇我聞海上山變幻互
雲物曼倩記十洲欲渡嗟無筏奇境雖絕人怪事久呵咄乃
茲浮玉山自昔超埃壘如何山之靈限此門中概始知奧衍
區未許輕唐突居此當得仙否亦庶幾佛不然買寶來跬步
慮顛蹶而我獨何人公然夢清謁證佛罕慧根求仙少靈骨
俗狀徒取憎遂巡屏塵掘慨然念偉人眷焉佇華月昔慙方
子春今愧滕元發

懷人四首

二娛小廬詩鈔卷一

王

酒杯久不共汪倫冷落陶家漉酒巾詩思澹歸尋夢路春情
濃到斷腸人愁鰥有目偏忘寐灰蠟無心不喚真長樂相逢

憐太瘦也須料理苦吟身汪景揚
骨相終非老賤貧紛紛孰更美如陳自將藥石輸肝膽不惜

鉛華飾笑嚙徐邈酒杯頻中聖袁耽博進偶儂人行年三十
多神解長技何如古斲輪陳沛蒼

二毛如許嘆頭顱君亦星星上鬢鬚幾几琴書渾不整忡廬
暮酒每相呼郢中白雪知音少枰上黃花抗手無倘約清明

良讌會典庖仍倩載髯奴孫古佩一奴
長鬚能治庖
佳人幽思謫停雲記得談詩靜夜分感激同游真愛我可憐

兀坐即思君酒軍不設腹中劍詩壘時摩鼻上斤近日更傳
波磔妙高齋清晝看書帛蔣賓儀

四時閨意詩效西崑體

班簾清曉卷流霞小蹴雙弓踏軟沙緩佩東丁移寶樹淺粧
交午暈梨花釵迎么鳳垂垂顫裙惹春駒故故遮髣髴影衣香
成百和椒蘭風細玉烟斜

畫長偏濯玉針投笑嚼香絨唾得不鴛鴦花爭紅醋醋蟻薄
苔襯碧油油慵粧滑倚珊瑚簾罷浴涼襲玳瑁鈎恰似無心
纖手摘雙搓梅子繫釵頭

羞采明珠步漢臯雙星疑盼碧蕭騷雲香蟬咽蠶肥雪
脂融髮鬢花蘂怯留天乳重朱絲閒擲月魂高經年不覩
秦淮水卻笑隣姬急翦刀

盧家香閣晚登臨軟玉初辭蜀錦衾鳬藻細簪宜愛餅鳳鉤
小鑄辟寒金冷礪笛雪嬌無那東折簷冰瘦未禁最怪輕螺
纔破綠頰潮紅暈泛深深

訪臬堂上人不值

亭外鐘聲聽已殘到門雙樹掩旃檀詩如鶴唳驚人易跡似
雲行著腳難城壁秋花蟲篆古虛堂斜日雀網寒遙知拓盃
歸來晚梧子離離帶月餐

擊雪詞 并序

西風一夜衾鐵稜稜侵曉窺窓雪花如海呼酒不
得良友室遠豪情孤致遙發平生倚枕寒號得詩
三十曰擊雪者憶兒嬉也

兒時嬉雪擊竿頻歲歲爐頭撲滿巾我似梅花深谷裏每逢
一雪一精神

雪意裝成白玉天蝗蜂入地不侵田去年茆屋燒松子夜與

臘農說有年

寒香十里坐平肩黃酒尋梅冷氣嚴絕愛吾家山口路雪痕
劃出萬峯尖

詩思凝寒凍不消問誰金帳擁嬌燒濁醪一覺秦川夢風雪
騎驢上灞橋

論文蕭寺盍簪朋五夜寒風喚不磨樺燭三條齊見跋幾人
同琢研頭冰

槽爐暖酒剔殘缸裂帛新聲義甲縱想殺琵琶人似玉春寒
微雪杏花窗

又一邨居戶葺柴籬編鹿眼小梅開茆堂酒罷仍僵臥看有
何人冒雪來

梅酒三升可竹居主人愛客引燃徐雪漁鄭漁者米家山勢橫

二娛小廬詩鈔卷一

七

堆雪只少山人來畫驢黃山人草橋時已物故

指點銀瓶索店醪當年王大本廳豪航風十月吹成雪快馬
能看五嶺高西邨在粵

浪花僵立滿潭沱似掌飛來旋結螺小宋風流曾說與馬蹄
沒雪渡黃河松蔭丁酉北土亭

黃楓小驛駐黃昏飛雪橫封古寺門鴉背白光家萬里幾人
到此不銷魂

古木陰崖水不湍層冰刺手老蛟寒孤舟有客滄江畔大雪
漫天一釣竿

蕭然四壁臥寒雲笑拔金釵買一醺却笑彈琴臺上雪春風
何處看文君

座中有客住瀛洲期我他年汗漫遊玉管冷冷飛雪滿與君

吹上華山頭

朔方畫手寫秋山

古朔州瑯琊客吳善畫

縱酒談心膽不殊宿草可憐

三尺雪暝猿啼血劍門關

孤筇眺徧一峯峯萬變難窮雪裏容今夜臥游誰最勝平山

堂下萬棵松

越雲龍衍近連吳一水迴陂隔蒲把槩山陰尋處士西冷

回首雪模糊

南天向晚動吹笛敲海旌旗雪裏斜聞道將軍下閭嶠弓刀

一夜爛生花

時聞

截泉危樓一眺臨天山瀾望雪痕深駛騁千里輕言逝猶有

恩讐欲報心

青塚年年繫客懷美人豔魄此長埋夕陽何處桃花影一寸

二娛小廬詩鈔卷一

八

紅幫印雪鞋

河渚蝸廬歲月更誰披鶴氅雪中行匡山若有閒眠地半夜

從無軫粟生

平生詞賦敢輕嘲桂殿瓊樓雪影交賸有歌聲金石動梁園

何事費推敲

苦憶能詩善宿男松廬伸紙每喃喃而今飛錫參師利亂雪

叢山一草庵

時果公再游五臺

卷幔遙山玉斲齊凝暉余外家在齊女門建對雪俯花溪好

在重來百廿四外祖父母暨諸舅西州一哭忡含悽

捫蝨高談老褐衣酒場旗鼓與猶飛雪中爛醉胡姬肆笑提

黃金跳脫歸

最勝湖山入夢中星星漁火鎖江楓殘盃絕似宵深後斜倚

江南聽雪簷

微雲閣雪雪初停酒力微時醉易醒半夜款門風刮面苦

人坐短檠青

紅燭會裁泣鬼詩千金神駿雪中馳南山虎跡多於屮又是

打圍射獵時

岩雲泱泱臥麕麕方便幽尋荷木鐮劇盡杞苗山藥少慙然

殘雪墮深杉

頻年擊雪寄山堂酒戶詩腸那罄藏願借瓊瑤同浣濯不將

心跡誤蒼黃

夜由光福山投聖因寺

積霧不知處峯巒對面生林扉一火動風聲萬松鳴孤鶴昔

年夢長體何處更頗聞衲子說來往有山精

二娛小廬詩鈔卷一

九

長句贈沈越鋒表兄卽送其至閩扶舅氏旅櫬

酒腸絀絀孕不和中夜悄獨與悲歌生人可憐天鑑翼安有

坎壈如君多君生先子子方後子生已識君無母弱歲癡依

大母生兒年貧逐先人走北風吹雪關河寒我送舅氏河之

干君時飲淚攢轡立浮雲促杳雙征轡邇後君家遠凶否君

時海上愁遷徙死亡接跡可奈何親交掬淚長已矣衆朋將

傾厦木危朔雲未斷河水開壬歲將闌月在淙侵晨聞說君

歸來捉履相看問顏色駭絕淫淫兩眶血苦雨酸風咽不言

良久挽余向余說說道征塵慚莫依父死天涯魂未歸孤兒

萬死骨欲裂長途千里雲空飛跣足且僵走流汗倉皇乞貸

澎湖畔澎湖浪高蛟龍愁鹿耳霧列虹霓斷蔽海旌旗杳杳

移迷津舸舫飄飄羈羈魂欲渡箭滿眼窮途一哭霜生肌毀

哀切恨終天補驚悸餘生託人伍死有孤魂滯海天生何覩
面依鄉土生計從人毒霧隨交情入世秋雲吹君罹百憂頭
顛老我聞斯語心骨悲男兒墮地無雙翰蘭足寧教坐席爛
作客曾聞張儉愁橫流古有王尼嘆風雨飄殘楊柳春風光
轉徙揚成塵人家上塚吳山曲君去招魂南海濱送君又此
春江曲征衫血染驪歌促五月江關裏骨歸細柳新蒲可憐
綠

句容道中

日夕下斜坂野曠無人踪屢行顧童僕游子多寒棕平疇紛
繡麥風來自芄芄遙山望橫郭眼色赴岸容寒暑變情性時
物感素衷寒劣貴自安行役將焉從

丹陽訪朱南橋廣文學解

二娛小廬詩鈔卷一

十

風雨阻行櫂著屐問縣城言尋廣文舍因之憇軒楹老屋三
四椽苔蘚暗已盈雜花獻餘媚琴書相與清冷官秉文教微
祿已代耕但使戶弦誦亦足資化成佳晨況多暇高論屬友
生白雲空向夕回首空齋情

早秋自胥江汎舟至木瀆雜詩六首

出郭延晴敞秋煙木杪升估槁依市棗胥江西歸涇橋謂之棗市女漿蕩
荷菱橋影雙鸞合雙橋茶亭總行客處鬱容四面增刈禾香未了彌望

及西陸

古渡封磚埭虹身飲碧流橫塘就寺僧施骨龍建石爲梁風塘燄火夕露菜
荻花秋官酒甘香溢村童笑舞稠餅師都此住方法冠蘇州
橫塘肩艇餅具最美著名

組碧楞伽北橫山古寺藏檀扉下清磬石港斷鳴榔科斗新

田活遶舊舊宅荒高人懷二葉葉已畦先生築二葉草堂讀主
獸立詠蒼茫神堂之上頽日獨立蒼茫處
塘水東西跨湖帆上下飛草泥圍蟹簾板屋構魚磯樹老宿
禽識山隕行客稀法雲森佛火習習水田衣
老屋三家舍東跨塘古傳止三姓居此雲臺七子山年和巫鼓靜水蒲耳
車閒游舫停風慢田歌唱月彎鄉農愁水宿豹脚聚斑斑地多
花
青旆招人近黃牆映水佳名園開富室西野塘有園屬貝綺氏春秋多游入
陌傍通街香逗叢生桂陰清獨秀槐靈名都入眼滴翠滿吟
懷

錢唐俞騎兒詩

二娛小廬詩鈔卷一

十一

泥他阿母噴桃粧能白能紅似粉郎研帽舞香偷曲嬾蠻韡
蹴鞠冶春忙迎來車子都誇薛貌得蓮花莫姓張道有鄰姬
年十五休教容易近東牆

同周八傳宿賓嶠齋詠懷卽贈周八二首

山椒靚清淑觸石雲起大遠矚秀華芝亭亭若車蓋疏風一
披離素質蕩氛暖悅惚變妙容各各難粉繪稍出霽景先遂
度暝林外奄冉咫尺間仍與前雲會卷舒本無心超然出埃
壘蹤跡詎能齊數數慎自愛相逢數年後庶無愧相對

蒲荷生陂澤其上冒朱華出入晴無滓所發鮮浮葩一朝芳
意歇不如蓬與麻愛惜自雕飾無使歌皇琴終恐狎霜露明
滅隨朝霞君子重素躬葆光緬真遐抱體殊金石所貴豈丹
砂

宿鑑口薛十五丈鶴儻山齋次孫丈澹于韻

蕭瑟寒塘路蘋風七里香自陸基至龜口過橋成小市認樹
泊輕航流水印申浦溪水直達黃埔殘書檢西陽桂叢招隱
處把酒立蒼茫

燕石人爭棄先生不我嗤蹉跎折簡約大屢以書相招感泣關幽詩

蒙賜先哀樂殊前度四月中會淹留釋寤思宵中情話久月

露皓盈輝

由湖心亭泛舟經三潭

三埭始蘇公禁民種菱芰舊址經廢遷萬歷始更置三潭非
三埭名各有所自當其濬潭時標埭以爲識湖人訛誦傳知
一不知二但指埭爲潭莫測潭所至我聞三潭中深黝不可
試往往有光怪陰火夜潛熾豈有蛟龍宮抑或神異閼安得
焚溫犀一炬燭幽遠恐滋傳聽疑存之姑不議

二娛小廬詩鈔卷一

主

謁錢武肅王祠

表忠碑碣麗桓楹遙想旌旗擁錦城人識神龍潛巨壑天教
妖鳥集羅平當年錫禮同張軌此日蒸嘗接大彭祠後高閣
玉座靈風紛颯拉猶疑鐵弩射潮生

八月廿三日遊永慶寺地樓憩擁青閣

寺在江寧

秋暑昨已滌濃雲作陰雨佳日不可得聊此探深鷗籃輿度
城闌偏仄路漸古遠塔語風鈴取徑雜榛莽老桂植山畦數
里香已吐崇臺拾級登豁然啟雙戶廣坐列脩廊山光弄眉
嫵翩然睹麗人盈盈正三五恍疑霓裳仙來此清虛府芳樹
阻幽情沉吟意良苦日暮碧雲深歸來夢寧杜

同楊笙和過隱仙菴看桂

菴在江寧

探幽意不足攜侶入芳林但聞鳥聲樂不知山已深十里次

古香漸覺衣袂侵檀屏微琳宇華棟來仙禽道士天人姿驚
風振清吟何如蘇門游閒披公和襟嗟余抱微尚奇服愛崎
嶇羈約困塵鞅勝懷虛自今遲子十年約來把邱中琴鼓桂
倘無恙冷冷聞此音

簡寄許大小棠

昔年獻賦趨承明青溪謠集紛冠纓春江花月恣游醺長歌
爛漫酬荆卿謂鮑參猶憶紅牙按新譜燭下星眸映眉嫵勝
友頻來絕似雲流年一別真如雨津門客去渺河梁李飲香
元卿射策金臺旁蔣春惟有相思許元度吳山雪水遙相
望今年八月秋將季風鐸郎當解鞍轡一笑相逢把臂初六
年重省消魂地殷勤折簡浮瓊卮甬東行卷吟新詞城堅七
字詩無敵座擁雙鬟酒不辭銀河向夜珠絡角深院開尊會

二娛小廬詩鈔卷一

主

偏數花深時見月濛濛談劇每聞鶉喔喔飛燕輕盈最耽人
芳名曾占狀頭新芳姿卻媚人如玉時愛春山蹙小顰瓊瓏
度曲珠喉瀉閨掃粧成容更姝病去吳娘暮雨歌當筵綺袂
悲新寡簾衣促坐漏初分一片笙歌迥入雲羅襦襟解頻相
倚碧玉簫低不可聞燈殘曲罷重呼酒滅燭絕纓無不有玉
樓翡翠競迷藏裙衩芙蓉小垂手閒拈風月細評量紅豆春
風引興長江東詞客青衫淚北里佳人紅粉粧青衫紅粉增
嗚悵百感茫茫此交集杜牧狂言滿座驚陳思感夢香魂泣
歡場聚散本難期傾倒從來是故知忽地前期成後夜明知
無益亦相思鏡中青髭催人老聞道來年花事早並馬春明
感昔游與君共話江南好

過泰安謁岱嶽廟

挿天紺碧敞琳宮屹立豐碑廟貌崇帝是感生資萬物山能
過雨視三公神棲畫壁靈風肅樹繞虛壇黛色空昭代明禋
飲典祀白雲久已陋封中

火浣布十二韻

穴蟲稟炎精毛羽豐可擷充庭便卷舒實篋供攬裂爛若烏
綬呈堵如獸錦截黃潤陋撞華白氈噉貝雪繭慙園客抽工
謝鮫人拙眩目訝生光炙手乃逾熱一尺已可縫七入不受
涅詎畏緇塵侵轉使烈焰潔昔聞炎海黃遠附漢使節不同
雉頭焚空隨豹尾設異物苟無珍書幣奚待楊中褚重安棉
歡顏禦寒列

水晶鹽十二韻

宿沙始熬波漉鹽法斯翔黑白備五色殊產乃異狀西域閉

二娛小廬詩鈔卷一

南

層陰光明新巧匠颯嘉徒遂飛霞砭碎黨列嶂刺素供官厨
構白入嘉量瀝竹戶競挿裏簷人爭餉形或鏤虎蹲功乃愈
蠱服赤豆配奚妨紫尊點無忘方書傳樊政食單重蒟醬和
羹有同資鑒品應獨讓戎方峙兩厓魏帝珍一兩何當賴玉
盤留伴縹醪釀

九月十九日 御試正大光明殿恭紀

芒鞋詔許近蓬萊多士新從草澤來五色文茵天上坐
試日就殿
上席地布几列坐
如翰林大考故事
九華仙仗日中迴文心副映冰壺微
命試
顯係玉壺
香篆微分玉殿開應有賢臣能第頌洞簫先擢子
冰排律
淵才先試禮部江蘇卷
欽定王家相第一

九月二十二日圓明園引 見恭紀

銅壺漏點出花叢恩許瞻天草澤同曉色未分宮樹碧朝班

先引火城紅禮宣拜舞容臺肆
先一日禮部習儀
名敕標題近侍通
禮部尚書二人各以綠頭紗書引見人名進呈
回首觚稜猶傍日不知身在靄雲中

寄題蔡薌城孝廉縹緲山居即送其南歸

白波翠嶺抱紫迴雲構天然畫裏開穀雨茶乾盧橘熟溪山
如此客歸來

聞說幽棲誰不羨此身況在軟塵中明年三月烟波濶定有
春帆到石公

題洞庭金氏晚香廬即次元韻

淡蕩湖邊水惺忪洞口花結廬因樹密開徑面山斜秋頌干
頭橘春網八餅茶足當侯萬戶樂事此中賒

虞山使解有小樓面山瞰野偶一登眺輒書所見

二娛小廬詩鈔卷一

五

荒園半畝綠蕪平遠眺登樓恰放晴水面幾行珠玑麗艸頭
一點玉聰明朝來淺黛山無限雨過濃陰樹滿城搜篋好披
新白袷來朝準擬續春行

紅樓次陸謹庭孝廉元韻

遙指名娃館粧樓映水紅爭停花外驛獨受柳邊風香夢蘅
蕪壓烟梢荳蔻籠料無窺朱意臣里隔牆東

怪底新詩好羅虬善比紅入懷曾墮月舞掌慣持風獻酒春
莫露更衣玉菽籠似聞私語處昨夜桂堂東

隨園太史將至吳門柬寄二首

若到蘇臺舊院中昔年花半委芳叢人間幾箇西王母朱鳥
窓前認得公

看梅過後到吳閭不忍匆匆便束裝
聞欲重游天台山園中待梅花盛開遲發數日待

入天台桃又放兩邊花事爲公忙

題盧湘艦同年妓堂品劒圖卽送其之官安慶

太乙之精下而視羅列星鉞爛如綺一姬旁立捧青萍佳人彷彿公孫氏芙蓉鏢小黛眉妍見者歛容不敢指柔情如水氣如虹風流入豪乃如此我聞雋曼情欄具入宮叱男子又聞宋子京半臂宵深伴修史古人懷抱各有屬不向圖中合雙美對此真令魂礪消出匣橫波兩秋水披君之圖贈君詩寶氣珠光好護持恩警兩字俱平等此是英雄養到時

題陳樹齋軍門聽雨圖

羊杜以來儒將少畫工那識天人表笑揖陳侯尺幅間果然氣與秋空杳陳侯三十冠諸侯弓刀萬騎居上頭橫海身操青雀舳典兵出建雲龍旂五茸草低敞平野細柳夾營聞試

二娛小廬詩鈔卷一

七

馬鼓角宵沉夜命鵲賓僚參伍都風雅嚴君名園書滿床榻來花下靜琴張月明不愛南樓嘯雨至偏宜草閣涼簷溜風簷稍急響此時喧寂由心賞坐來虛隔覺蕭森使我英姿添颯爽君本勲臣又世臣軍門以先世功勳子爵偏於閒淡寄風神須知聽雨圖中客原是凌烟閣上人

渡江至淮浦途中雜詩

屈指輕裝往復還身宮磨竭本多艱波濤雅與平生狎車馬從無一歲閒卽笑風塵僭僕吏敢詢詞賦動江關年來看我勞生慣只有金焦兩點山

漂母祠邊落照橫過淮風浪覺舟輕千重水睡驚夢十里河雲勢壓城但祝魚龍皆遠徙不愁鴻雁有哀鳴一官到此真如客慚愧絃歌報政成

瓜渚秋空半沈寥揚州水驛夜通潮關心烟景還如昨到眼繁華總未消璧月飄零詞客句風懷振觸玉人簫客程不免重回首珠箔風涼廿四橋

湖光露氣兩霏微艸長秦淮認釣磯野樹遠疑浮水去亂蜚高欲挾星飛白杭酒釀涼風至紅蓼花深瓦屋稀此地扁舟來往熟居人應識舊征衣

同朱阿頤赴金陵自京口放船入便民港

落日風色淡沿江快揚舲餘暉在雲樹蒼靄無定形娛目欣所遇得趣如未經澄懷澈無翳秋空杳與青逝偕羨門徒散髮游東溟

風流雙眞子超曠不可羈倚舷一相語氣與高烟齊微尙各有契古人聊用稽本非慕綺角猶當隨種蠹泛湖與蹈海亦

二娛小廬詩鈔卷一

七

一鴻爪泥達人會此意素手期共攜

題袁太史乞假歸娶贈行詩畫冊子

當日恩榮世共知畫中人已老袁絳誰能白髮粧臺裏同話宮花壓帽時太史以乾隆己未入翰林乞假歸娶距今五十四年矣冊中諸鉅公以詩贈行今無一存者惟白首相莊俱健在耳

佳話從頭數玉堂漫勞學士感滄桑鴛鴦到老雙棲穩春夢何須第二場太史自版用東坡春夢夢事

喜傍簪花筆格新不嫌紙尾殿芳春冊後數頁皆太史女弟子詩國風大半宮閨製宵雅何妨獨後陳

雄縣道中

荒惡村墟戶半空草根斜日颯悲風詔寬屢賜租庸復地瘠仍教旨蓄窮不免流亡成轉徙已悲丁壯況衰翁似聞已

下司空議更有權宜策歲凶

趙北口

棧車十日苦塵冥乍見溪塘眼忽明水澗歸鳧不成隊天寒
茸艸尚抽萌雲光樹色坐來晚旅夢詩魂相與清三十六陂
春漲好畫船不及此中行

途中聞麻爾喀遣大頭人齎表乞降有 詔撤兵喜

賦四律

赫怒威稜月竈西平夷舊蹟策鯨鯢一隅勢又爭蠻觸九伐
聲先肅鼓聲陣角風雲隨鳥度軍中名姓止兒啼窮荒自昔
歸骨籍聚米爭看路不迷

宿衛屯兵善陷堅前驅六肅各爭先役丁竟鑿封山雪拜井
能通飲馬泉不憚孤軍深入阻直疑飛將降從天單于繫頸

二娛小廬詩鈔卷一

太

尋常事準擬名王縛左賢

叩作西南路已通馳裘膜拜語喁喁餘怒臂身甘捕鼠到
拖腸技竟窮瀚海豪馳馳玉帛天山明月挂珊瑚太常任昧
皆夷樂新譜梵離舞唱工

已操全勝 唐謨完湯網仍開一而寬獨使雲中留魏尚不
從塞外斬樓蘭雨如車軸從空洗星落機槍向夜看此是萬
年清晏福歡聲先動五雲端

夜行

勞生苦行役塵沙首如葆月黑路正長野曠人跡少前林驅
車聲疑望忽又杳颯颯枯樹枝無風時振稿年來試艱辛百
味嘗漸飽雖無菟裘營蓋亦計吾老念此增煩憂惻惻傷懷
抱僕夫喚不應寒色透中綈舉火見草根艸白霜已皓

龍陽早發

宵柝方嚴已整裝亂山卻曲石頭岡車聲忽遠樹頭火曉色
朝明獨背霜殘月窺人鄉夢短酸風射骨酒顏涼僕夫兩雨
坐無語絕似紅蠶上箔僵

寄無錫孫平叔

金臺並馬真浪游大江次第歸帆抽那知及歸復行役天寒
歲暮愁雲稠悶然一物忽墮地螻蛄何必知春秋牽絲傀儡
落人手去住豈復得自由大辰十二天一周百工輟業役車
休机盆樺燭大好會臘香竹葉醅蛆浮此時負卻不歸去人
其謂我將何求濃春入年雪偏大千片萬片堆孤舟破燈擁
絮坐瑟縮三更獨聽冰嘶流忽憶君家好兄弟黃花枵角夜
未收書籤粉盞亦有味相對定已籠香篝一月不見如數稔

二娛小廬詩鈔卷一

尤

欲告語盡與胸喉昨日渡邊打雙槳梅花封住山中侯美人
春風隔盈咫西神九峰相向愁一點相思寄流水隨風倘到
斜橋頭

雜感二首

瑤林天擢一枝清燭下橫波畫不成難得無人通密款偶因
薄醉露風情多生契竟誰辜我夢樓先生見和詩有芳絕代
名當永屬卿知否昔年狂杜收綠窻瑣事記分明

大隄楊柳關腰支恰似朝雲未嫁時一見便愁分袂易到頭
眞悔定情遲扶床人小身親抱舞掌風輕手慣持從此紅樓
深閉處春來閒煞燕參差

讀朱阿顛跋汪琴舟詩卷詩即和其韻

涼秋八月客石城與君話舊悲歡并爲言昔游汴荆沔有客

踏歌來送行別來音書斷雁帛卅年懷抱無從傾常攜詩卷
一展讀亂山荒驛寒蟬鳴嘶人負俗大鑿杓誰能亮此中心
誠海東已歸孔巢父世上亦棄嚴君平白頭如新我與子停
雲空谷謫有情死生不殊蛩駘負得失何有蝸蠻爭我歌將
爲友生和初終不渝交乃貞

爲蓮初題荷花畫扇

那因刻鏤見風神態自天然韻自真閱武堂前楊柳畔紅幫
一寸是花身

非關酒力透香肌羽扇風多不自持纔試華清湯第二念奴
扶上翠盤時

水岸風來玉殿寒助妍天與露溥溥當年只有彈琴客曾向
文君臉際看

二娛小廬詩鈔卷一

辛

華鬢清揚德水隈一花一葉一如來荷絲尙有纏綿意復向
人間並蒂開

冬至夜宿淮關

渡頭風急泊千樁向夕河聲攪客腸歲月驚心逢至日弟兄
分手隔河梁時有海韻之行是霜濃漸逼孤舍薄夢短難消
此夜長慚愧勞生華髮改征塵到此未渠央

二娛小廬詩鈔卷二

長洲 尤維熊 祖望

淮安風景頗劣北門外荻莊有江南春意

花氣濃時天氣新橋頭草輒漸成茵東風不論江南北吹著
垂楊一樣春

書舊作寄汪丈蓮亭復綴二絕句

芳草題琅酒一卮落花狼藉髻成絲金彊約指同心纔曾和
了娘十索詩

春光花月可憐宵游蝶無端度翠翹剩有流鶯啼似雨淡黃
楊柳董家橋

九瓣蘭花詩 有序

中和主人縷惠爲堂種香成國清室卻暑庭隅坐
二娛小廬詩鈔卷二 一

芳有蘭一本敷花九瓣蓋同萼殊苞而含素若一
綢意齊心迺成斯美夫南國相思之樹西方共命
之禽有儷自天卓可睹紀況乎丰茸之質遺世而
仙緯繡之姿負異而出湘峯九疑托根有絲靈均
九畹埋香無地蘭夢難徵而蘭因則可證也

受貼黃磁斗橫斜碧玉簪花眞如靜女開亦愛同心我憶春
風影猶留湘水音前游隔三載此夢香難尋

哭亡弟榮起

茲日已云秋茲辰殊未佳蘭風送淫雨戚戚傷我懷傷哉同
懷弟兩艸共一莖我長爲家孟弟幼肩相倚生小不暫離甘
苦與之偕年將冠而字人指蘭在階嗟予苦行役一官落長
淮年來風雨夕兩地愁離乖聞弟讀書聲清如鳥啾啾耆我

所作文厥趣心與諧弱體苦孱羸何又增癘疾一朝委風露
芳樹竟長埋裴徊佇空庭雁字遙天排含辛不敢視使我悲
無涯

昔歲有殤弟及期爲幼殤存者勵三人各瘦無一強今又弱
一个骨肉成參商往者侍寢門兩兩歎成行衰親髮垂白賴
弟相扶將百卉心未死天不改嚴霜萊衣庭下舞拜慶當上
堂恐傷思子懷老淚揮浪浪

殿歷亭司馬招飲荻莊卽席分韻得八齊

有天不必女媧補有物不必蒙莊齊但有名花照人飲如金
吾得陰華妻今年七月風潮大洪湖石爛水齧隄截菱蕩土
塞城關居人數驚兒夜啼靈旂東翻脚旋轉風師約束不復
西寒沙澗澗涼水去舉首喜見天根氏歷亭先生此邦伯未

二娛小廬詩鈔卷二

二

嘗一日忘蒼黎重爲邦人慶全活偶招勝侶斟偏提荻莊一
區舊文社昔游三月芳艸萋今來九月秋未老木芙蓉花紅
滿谿前谿花映後湖水水面拍拍飛鳧鷖夕陽忽收霞脚雨
隔溪燈影簾紋低于時談讌互歡洽洪飲欲罄酒百榼我采
芙蓉得仙路紅雲萬朵花冥迷誰其主者丁與石前塵杳隔
鴻爪泥屏山約畧舊游處瓊樓十級珠爲梯芳卿姊妹隔花
戲花間笑握春蔥萋此事侵尋入圖畫袖中便面風含悽夢
樓太史倡新句丹黃錯雜書赫蹄花叢葉底偏文字最後會
屬頻加題郭頌卿題爲余題芙蓉
畫屏有秋江風露之句秋江風露如有約數定勿
藉簷尹叶茲辰茲會定不偶羣賢乃集阮與嵇分曹鬪韻富
鴻製脫手一一詩筒齋天吳紫鳳各爭麗對鏡不免翔山雞
諸公開緘但勿笑鰕生調語都無稽

九日憶亡弟

年年望遠感離悰薄宦飄零似斷蓬怕見黃花逢令節妒人
元鬢是秋風雁聲昨夜衝烟響楓葉今朝照眼紅淒絕故人
留句在茱萸小弟夢魂中菊酒故人江海畔茱萸小弟
夢魂中余友汪槐村句也

題胡黃海贐詩圖

行者必以贐厥文乃從貝賤貨而貴詩此意可徵會榮榮樓
護鯖五侯本無賴戕戕陸賈裝千金亦已太不如短長吟仙
文抵十賚北風吹客來止止河之瀨十年京洛居拂拂無纖
璫當其首涂時橐筆傍麾蓋大槐客舍寬人人送郭泰不知
幾輻車祖餞都門外投贈積詩篇卷軸牛腰大歌聲出車茵
聲應鸞和噓甚深風雅藏古芬散施餽何當膏馥遺向君一
沾丐

二娛小廬詩鈔卷二

三

雪後扶杖錢別袁湘濤歸吳江

積雪中增暮寒偏於雪後送袁安殘年我更愁無俚暇日
誰從浴所歡好聽水漸隨款乃勸留詩句刻檀欒自憐同有
家園在只覺商量去住難

冬夜有憶

五茸媒雉近何如雙鰈雙鸛一歲餘小別已傷魂黯黯相思
欲化夢遶遶金杯屈曲斟桑落纖手春蔥鱸鯉魚有約湖光
二萬頃白蓮花裏對門居

除夕前一日程謫人以綠萼紅梅各一闌百詩所著

書二種見貽有詩並寄次韻答謝

寒香此地憐分少綠玉惺忪絳雪含看到春前又春後傲他
枝北與枝南

赴壑修蛇逼歲除陳編笑我一年疎判窮舊臘將殘夜補讀
新雕未見書

以天竹爵金酒餽謫人仍次前韻

葉分谷口簣簞翠實似梢頭荳蔻合借爾西來添祝意生紅
一顆一和南
縱乏憂端仗破除對花不飲計終疎兩瓶謹照前人例一是
還書一借書

除夕

梁燕育雛時堂楣飛續續一日數十巡一顧必一復而我於
親闈經年不再宿邇復隔千里氣候異邦族竈觚置枳盆庭
角喧爆竹享餞坐團圓此景宛在目何因徇微名況乃非敦
促坐使守歲闌衰親歎孤獨停杯輟勿御心迴如轉轂安得

二嫖小廬詩鈔卷二

四

歸鄉園啜蔬貧亦足

郭十三許以人日見過署齋先爲詩以堅其約

隔年已訂初三日諾責於今迄未償只隔一城尚如此他時
遠別況殊方縱無纖手裁春勝也要題詩寄艸堂莫更逡巡
待妍暖天門酒熟正甘香

郭十三和前韻見示仍疊奉答兼寄湘濤

細讀和詩絨意重英瑤十穀豈能償長松山鳥琴三寫芳艸
美人天一方臘日清尊殘雪後汝南故事聚星堂此情可待
梅花說短夢頻頻入鎖香

郭十三以元日試筆見寄之作見示次韻再答

研泓醜齷冰衣小松火明明熱一龕畫裏玉梅花九九客來
脩竹徑三三懷人高適君先許說餅災均我尙堪各有編年

詩集在孟韓聯句又城南

人日之集郭十三有詩三章仍次其韻報之元詩多

作苦語末章故有以廣之也

友朋昆弟雜悲歡千古多情一子桓蕙艸香風空向夕枯桑
海水劇天寒相將飲此杯中物勿問當來日大難可奈心情
易振觸黃雞翦夢又更闌

清才羅韞魏陳思以斗量才欲過之投我新詩珠一串天生

好樹玉交枝人言諸葛真名士下視楊修只小兒祇恐心聲

太幼渺不堪彈入七絃絳

敗期自謂足三樂平子無端歌四愁廣莫風來蘇病骨和神

國大便清游每思長夜鐘鳴後試問蓬萊水淺不緣酒香甜

花媚蕩軒渠已散兩眉頭

二嫖小廬詩鈔卷二

五

程謫人孝廉招同郭十三會飲春草軒卽次謫人去

臘荻莊雪謚元韻兼寄湘濤

我聞清言先絕倒不是先生但好好東坡岐下太蕭寥亦苦
官居故人少去年燒燭宴君家滿耳笙哇徹清昊今年梅影
參差斜又拓軒窗坐春草軒窗四面花懷春消息先春問春
討冰稜揀入仙人肌天女修羅眉不掃景純愛作游仙詩翫
翠蘭茗新脫稿倩如空谷著夷光閉曳長裾倚寒篠休父門
風萬石賢百五雅材兼大小神鋒干莫秀婀娜頭白倉山誇
不了隨園先生語稱兩君汨汨闌詞源我對江河愧行潦時
吟句子清心魂功比白檀除熱惱思歸客去東吳許和一
詩至今杳遙知楫櫓擁溫磨定臥房樞深窈窕天涯握手展
星孤開卷風流慕綦綦良辰坐放去堂堂念子能無心惻惻